



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**DE || LIBERTATE || CHRISTIANA ||**

**Lensaeus, Johannes**

**Antverpiae, 1590**

Capvt VIII. Quam obrem Christus Dominus exemplo suo humilitatem & patientiam peculiariter commendarit.

[urn:nbn:de:hbz:466:1-46059](#)

hominibus tam sine culpa potuisset, quam si qui hos nimis regeret, quos ipse creauerat: Sed quia idcirco in carne apparuit, ut non solum nos per passionem redimeret, verum etiam per conuersationem doceret exemplum sequentibus prebens, Rex fieri noluit, ad crucis verò patibulum sponte peruenit. Oblata glo-  
riam culminis fugit, pœnam probroœ mortis appetiit: ut membra videlicet eius discerent fauores mundi fu-  
gere, terrores minimè timere: pro veritate aduersa di-  
ligere, prospera formidando declinare.

## CAPUT VIII.

*Quamobrem Christus Dominus exemplo suo humilitatem & patientiam peculiariter commendarit.*

**D**E N I Q U E uti humilitatem ostendit singularem contra magnum illud superbiæ virtutum quo de-  
iecti sumus, ut sic tandem erubescat homo esse superbus propter quem factus est humili Deus: ita quoque patientiam exhibuit in vita mirabilem: quod sicuti prona ad obediendum humilitas, necessaria est homini ad ingrediendum iustitiae salutisque viam, ita patientia pernecessaria foret, ad iustitiam quam adepti fuerimus retinendam. Cum enim inter improbos nobis esset, mediisque in malis vivendum, sine patientia ci-  
tò omnis excussa virtus foret, ut metu scriptum sit: In patientia vestra possidebitis animas vestras. Cum *Luke 21:3* 3  
igitur Christus Dominus cœlestis magister, omnibus virtutis officiis iustitiae specimen prebuisset, ut doloris quoque patientiam mortisque contemptum ostenderet, quibus consummata & perfecta sit virtus (quemadmodum diuus Iacobus ait, Patientia opus perfectum habeat) venit in manus impiæ nationis, cum & vitare potuisset scientia futuri quam tenebat, & repellere eadem virtute qua mirabilia faciebat. Idcirco Petrus Apostolus adhortatur: Christus pro nobis passus *1. Pet. 4:1*

N*i* est,

est, vobis relinquens exemplum ut sequamini vestigia eius. qui peccatum non fecit, nec inuentus est dolus in ore eius : qui cum malediceretur, non maledicebat, cum pateretur, non comminabatur : tradebat autem

*Serm. 16. de  
Paganis.*

se iudicanti iniuste. Merito, inquit Leo, Dominus ipse factus est nobis via : quia nisi per Christum, non iter ad Christum. Per ipsum autem ad ipsum tendit, qui per semitam patientiae & humilitatis eius incedit. In quo planè itinere, nec astus deest laboris, nec nubes tristitiae, nec procella formidinis. Ibi sunt insidiæ iniquorum, persecutio[n]es infidelium, minæ potentium contumeliarum superborum, quæ Dominus virtutum & Rex gloriae, ideo omnia in infirmitatis nostræ forma & in carnis peccati similitudine percurrit, ut inter presentis viræ pericula non tam optandum sit nobis declinando ista fugere, quam tolerando superare. Deinde Christi patientia & apud Cyprianum disertissimè scriptum reperitur his verbis : In Iudeis vero tolerandis equanimitas quanta, & quanta patientia? indulos ad fidem suadendo flectere, obsequio ingratis sonere, contradicentibus respondere leniter, superbos sustinere clementer, humiliter persequentibus cedet. Prophetarum interfectores & aduersus Deum semper rebelles, usque ad crucis & passionis horam, velle colligere: sub ipsa autem cruce & passione, priusquam ad crudelitatem necis, & effusionem sanguinis venirent, quæ conuitiorum probra patienter audita? quæ contumeliarum tolerata ludibria? ut insultantium spuma mina patienter excipetet, qui sputo suo cæci oculos paulo ante formasset, & cuius in nomine nunc a seruis eius Zabulus cum angelis suis flagellaretur, flagella ipsa pateretur: coronaretur spinis, qui martyres floribus coronat æternis: palmis in facie verberaretur, qui palmas veras vincentibus tribuit: poliaretur veste terrena, qui in dimento immortalitatis cæteros vexit: cibarentur

felle,

felle, qui cibum cælestem dedit : acero potaretur, qui poculum salutare propinavit. Ille innocens, ille iustus, imò innocentia ipse, & ipse iustitia, inter facinorosos deputatur, & testimonis falsis veritas premitur ; iudicatur, iudicaturus : & Dei sermo ad victimam tacens dicitur. Et cùm ad crucem Domini confundantur sidera, elementa turbentur, cōtremiscat terra, nox diem claudat, Sol, ne Iudæorum facinus aspicere cogatur, & radios & oculos suos subtrahat : ille non loquitur nec mouetur, nec maiestatem suam sub ipsa saltē passione proficitur. Usque ad finem perseveranter ac iugiter tolerantur omnia, ut consummetur in Christo plena & perfecta patientia. Et post ista, adhuc imperfectores suos, si conuersi ad eum fuerint, suscipit, & patientia sua salutari ad conseruandos benignus & patiens, Ecclesiam suam nemini claudit : illos aduersarios, illos blasphemos, illos nomini suo semper inimicos, si pœnitentiā delicti agant, si admissum facinus agnoscant, non solum ad indulgētiā criminis, sed ad præmium regni cælestis admittit. Quid potest patientius, quid benignius dici? viuificatur Christi sanguine, etiam qui effudit languinem Christi. talis est Christi ac tanta patientia; quæ nisi tanta ac talis existeret, Paulum quoq. Apostolum Ecclesia non haberet. Quod si & nos, fratres charissimi, in Christo sumus, si ipsum induimus, si ipse est salutis nostræ via : qui Christum vestigiis salutaribus sequimur, per Christi exempla gradiamur. sicut Ioannes Apostolus instruit dicens : Qui dicit se in Christo manere, debet quomodo ille ambulauit, & ipse ambulare. Item Petrus, super quem Ecclesia Domini dignatione fundata est, in epistola sua ponit & dicit: Christus passus est pro nobis, relinquens vobis exemplum, ut sequamini vestigia eius; qui peccatum non fecit, nec inuentus est dolus in ore eius : qui cùm malediceretur, non maledicebat : cùm pateretur, non

N 3

commi-

198. DE CHRISTIANA LIBERTATE  
commenabatur: tradebat autem se iudicanti iniuste:  
haec tenus Cyprianus. Idcirco igitur Deus seipsum no-  
bis in homine aspiciendum exhibens, non solum ea  
fecit quibus ad sequendum ipsum invitaremur, sed  
etiam illa passus est, quibus a sequendo Deo deterre-  
bamur. Nam cum adipisci certissimum ac summum  
Cap. 13. lib. de  
utilitate cre-  
dendi.  
bonum nemo possit, inquit Augustinus, nisi id plene  
perfecte que dilexerit; quod nullo pacto fiet, quamdiu  
mala corporis atque fortuita formidantur; ille nascen-  
do mirabiliter & operando, conciliauit charitatem  
moriendo autem & resurgendo, exclusit timorem. Iam  
verò talem se in ceteris rebus omnibus præbuit, qua  
persequi longum est, ut & diuina clemētia quō poni-  
gi, & humana infirmitas quō possit euchi sentiremus.

### CAPUT IX.

Hallucinatum hic esse Lactantium in consti-  
tuenda exempli ratione.

Cap. 25. lib. de  
vera sap.  
Cap. 61.  
**E**FFLUIT verò hīc Lactantius, nec modum tenet,  
dum enim urget in doctore virtutis exemplum,  
vitia in Christo posuit quae domaret, ut hoc re ipsa  
quoque hominibus faciendū esse demonstraret. Ideo,  
inquit, carne se induit, ut desideriis carnis edomini,  
doceret non necessitatis esse peccare, sed propositi ac  
voluntatis. Vna enim nobis & magna & præcipua  
cum carne luctatio est: cuius infinitæ cupiditates pre-  
munt animam, nec Deum retinere patiuntur: sed eam  
voluptatibus & illecebris suauibus mancipatam, mor-  
te afficiūt sempiterna. quibus ut repugnare possemus,  
Deus nobis viam superandę carnis & aperuit & ostendit.  
Sic ille. Quem eius locum cum citasset pro se Pe-  
lagius suppressio auctoris nomine, vide ut respondeat  
Augustinus libro de natura & gratia, nesciens (ut ap-  
paret) esse Lactantij: Nobis quidem videtur, ab homi-  
ne Christiano, procul esse debere eam de Christo op-  
tionem.